



Broj: 01-11-471-3/25

Mostar, 22.8.2025.

Na osnovu člana 5. Zakona o kantonalnim ministarstvima i drugim organima kantonalne uprave („Službene novine Hercegovačko-neretvanskog kantona”, broj: 4/98, 1/02, 4/07 i 2/13), Odluke Vlade HNK o usvajanju Programa utroška novčanih sredstava predviđenih Budžetom HNK za 2025. godinu Ministarstvu trgovine, turizma i zaštite okoliša s pozicije „Transfer drugim nivoima vlasti (manifestacije iz turizma)”, broj: 01-1-02-1978/25 od 24.7.2025. i tačke VIII Programa, ministar trgovine, turizma i zaštite okoliša objavljuje

JAVNI POZIV

za podnošenje prijava za dodjelu sredstava za sufinansiranje manifestacija od značaja za turističku ponudu HNK u 2025. godini

I

(Predmet javnog poziva)

Predmet javnog poziva je dodjela bespovratnih sredstava male vrijednosti (*de minimis*) za sufinansiranje manifestacija od značaja za turističku ponudu Hercegovačko-neretvanskog kantona, koje će se realizovati u 2025. godini.

II

(Iznos raspoloživih sredstava)

Sredstva za provedenje javnog poziva obezbjeđena su u Budžetu za 2025. („Službene novine HNK”, broj 4/25) na poziciji Ministarstva trgovine, turizma i zaštite okoliša, organizaciona jedinica 35010001, ekonomski kod 614100 SAL002 „Transfer drugim nivoima vlasti (manifestacije iz turizma)” u ukupnom iznosu od 135.000,00 KM (slovima: sto trideset pet hiljada konvertibilnih maraka i 00/100).

III

(Namjena sredstava)

Namjena sredstva iz tačke II Javnog poziva je podrška manifestacijama od značaja za turističku ponudu Hercegovačko-neretvanskog kantona čiji su organizatori ili suorganizatori općine/gradovi odnosno manifestacija koje svojim sadržajem i kvalitetom privlače posjetioce/turiste, nezavisno o nekim drugim dešavanjima ili turističkim atrakcijama koje se nalaze u blizini mjesta održavanja manifestacije.

IV

(Prihvatljive manifestacije)

Bespovratna sredstva mogu se dodijeliti za organizaciju i realizaciju: manifestacija tradicijske baštine (enološko-gastronomске, folklorne i dr.), kulturnih manifestacija (izložbe, koncerti, književne večeri i dr.), zabavnih i privrednih manifestacija (festivali, sajmovi i sl.), ostalih manifestacija koje doprinose promociji turizma u HNK.

V

(Prihvatljivi prijavitelji)

Pravo podnošenja prijave na ovaj javni poziv imaju općine i gradovi s područja HNK, pod uslovom: da postoji odluka načelnika/gradonačelnika o realizaciji manifestacije, da će se za istu obezbjeđiti sredstva u općinskom/gradskom budžetu najmanje u visini od 35% ukupne vrijednosti projekta i da

su ispunjene ugovorne obaveze prema Ministarstvu kao davaocu finansijskih sredstava iz sklopljenih ugovora o sufinansiranju za prethodne tri (3) godine.

VI

(Kriteriji za ocjenjivanje)

Prijave će se ocjenjivati prema sljedećim kriterijima:

1. Značaj manifestacije (0-20 bodova)

- Lokalni značaj
- Regionalni značaj
- Nacionalni ili međunarodni značaj

2. Broj posjetilaca/turistički promet (0-20 bodova)

- Očekivani broj posjetilaca (domaćih i stranih)
- Dokazani broj iz prethodnih godina (ako postoji)
- Potencijal za privlačenje turista

3. Promocija HNK kao turističke destinacije (0-15 bodova)

- Marketinške aktivnosti (online, mediji, partnerstva)
- Prepoznatljivost manifestacije van HNK

4. Autentičnost i očuvanje kulturne/tradicijske baštine (0-15 bodova)

- Tematsko utemeljenje na kulturnim, historijskim i tradicijskim vrijednostima
- Učestvovanje lokalnih umjetnika, obrtnika, izvođača

5. Razvoj manje razvijenih područja (0-10 bodova)

- Lokacija događaja van urbanih središta
- Učinak na lokalnu zajednicu i privredu

6. Organizacijska sposobnost i iskustvo prijavitelja (0-10 bodova)

- Iskustvo u organizaciji manifestacija
- Detaljan plan provođenja, logistika i kapaciteti

7. Finansijska struktura i održivost (0-10 bodova)

- Razrađen budžet
- Uključeni drugi izvori finansiranja (vlastita sredstva, sponzori, javni fondovi).

Prijave s osvojenih manje od 50 bodova ne mogu ostvariti pravo na sufinansiranje.

VII

(Ograničenja visine pojedinačne podrške)

Iznos podrške može iznositi najmanje 2.000,00 KM, a najviše 20.000,00 KM po manifestaciji. Ministarstvo može odobriti manji iznos od traženog, zavisno o broju prijava i raspoloživim sredstvima.

VIII

(Prednost pri ostvarivanju prava na podršku)

Prednost pri ostvarivanju prava na podršku imaju manifestacije koje doprinose produženju sezone kao i manifestacije koje njeguju kulturne i tradicijske vrijednosti HNK.

IX

(Dokumentacija za učestvovanje)

Dokumentacija za učestvovanje mora **OBAVEZNO** sadržavati :

1. JP 2_Prijavni obrazac
2. JP 2_Obrasc 1 – Projektni prijedlog s detaljnim finansijskim planom
3. JP 2_Obrasc 2 - Izjava o realizaciji manifestacije
4. JP 2_Obrasc 3 - Izjava načelnika/gradonačelnika da će u budžetu obezbijediti sredstva za realizaciju manifestacije (min. 35% ukupne vrijednosti)

5. JP 2_Obrascac A - Izjava načelnika/gradonačelnika o ispunjenim ugovornim obavezama prema Ministarstvu u posljednje tri (3) godine
6. Dokaz o partneru ukoliko postoji (ugovor o suorganizaciji, sporazum o saradnji, memorandum o razumijevanju i sl.)
7. Plan promocije/marketingške aktivnosti.

Kao **NEOBAVEZNA** dokumentacija može se priložiti svaki dodatni dokument koji može potvrditi vrednovanje kriterija iz tačke VI Javnog poziva. Ukoliko se traže bodovi po osnovi kriterija iz tačke VI odjeljak 4., 5. i 6. potrebno je priložiti:

1. Dokaz o uključivanju lokalnih učesnika (ugovori o partnerstvu, saradnji i sl. s lokalnim obrtnicima, PPG-ovima, umjetnicima)
2. Dokaz da se manifestacija održava u manje razvijenom području (opis lokalne zajednice prema indikatorima razvijenosti)
3. Dokazi o prethodnim održavanjima manifestacije (fotografije i promotivni materijali s prethodnih izdanja manifestacije)

Svi dokumenti koji se prilažu uz prijavu moraju biti **originali ili ovjerene kopije ne starije od 3 (tri) mjeseca** računajući od dana objave Javnog poziva.

Ministarstvo nema obavezu vraćanja dokumentacije pristigle na Javni poziv.

X

(Zajedničke odredbe)

a) Način podnošenja prijave

Prijavni obrasci popunjavaju se na računalu i u originalnom ispisu slažu s pratećom dokumentacijom, prema redoslijedu iz toačke IX Javnog poziva. Prijava mora biti uvezana, a sve stranice prijave numerirane i ovjerene pečatom podnosioca prijave i potpisom ovlaštenog lica podnosioca prijave.

Tako pripremljena prijava **dostavlja se u zatvorenoj koverti ISKLJUČIVO putem pošte na adresu**

MINISTARSTVO TRGOVINE, TURIZMA I ZAŠTITE OKOLIŠA HNK

BRAĆE FEJIĆA BB, 88000 MOSTAR

s naznakom

„NE OTVARAJ“ - PRIJAVA NA JAVNI POZIV

**ZA DODJELU SREDSTAVA ZA SUFINANSIRANJE MANIFESTACIJA OD ZNAČAJA ZA TURISTIČKU
PONUDU HERCEGOVAČKO-NERETVANSKOG KANTONA U 2025. GODINI**

Na poledini koverta **OBAVEZNO** navesti puni naziv podnosioca prijave, adresu i kontakt telefon te ovjeriti pečatom

b) Rok za podnošenje prijave

Javni poziv otvoren je **trideset (30) dana od dana objave** na web stranici Ministarstva i Vlade HNK.

Rok za podnošenje prijave na osnovu Javnog poziva ističe **20.9. 2025.**

c) Razmatranje prijave

Neće se uzeti u razmatranje:

- neblagovremene prijave (dostavljene van utvrđenog roka)
- prijave koje nisu pripremljene na način propisan u tački X alineja a) Javnog poziva (prijavni obrasci nisu popunjeni računalom, nisu priloženi u originalnom ispisu, prijava nije složena po redoslijedu iz tačke IX Javnog poziva, prijava nije uvezana, stranice nisu numerisane i ovjerene na propisani način, koverta s prijavom nije zatvorena, nije adresirana na propisani način, nije dostavljena putem pošte)
- nepotpune prijave (prijave koje ne sadrže kompletnu dokumentaciju koja se traži Javnim pozivom)

redosljedju iz tačke IX Javnog poziva, prijava nije uvezana, stranice nisu numerisane i ovjerene na propisani način, koverta s prijavom nije zatvorena, nije adresirana na propisani način, nije dostavljena putem pošte)

- nepotpune prijave (prijave koje ne sadrže kompletnu dokumentaciju koja se traži Javnim pozivom)
- prijave neusklađene s programskim ciljevima iz Javnog poziva.

d) Donošenje i objava konačne odluke

Najkasnije trideset (30) dana od dana zaključenja Javnog poziva, na prijedlog Ministra konačnu odluku o izboru korisnika sredstava „Transfer drugim nivoima vlasti (manifestacije iz turizma)“ usvaja Vlada HNK.

Objavom konačne odluke o izboru korisnika sredstava na web stranicama Ministarstva i Vlade HNK, svi podnosioci prijava smatraju se obaviještenim o rezultatima Javnog poziva.

e) Pravo prigovora

Prijavitelji koji smatraju da su oštećeni zbog nepravilnog postupanja tokom postupka dodjele, imaju pravo podnijeti prigovor u roku od osam (8) dana od dana objave konačne odluke. Teret dokazivanja nepravilnog postupanja je na Prijavitelju. Odluku o prigovoru donosi Ministar. Prigovor ne odgađa izvršenje konačne odluke o odabiru i dalje provođenje procedure po Javnom pozivu.

f) Dodatne informacije

U postupku po Javnom pozivu Ministarstvo ne snosi nikakve troškove učesnika Javnog poziva ni odgovornost prema učesnicima u pogledu aktivnosti koje su preduzeli u cilju apliciranja za određeni podsticaj.

Dostavljena dokumentacija ne vraća se podnosiocu prijave.


Sva dodatna pitanja u vezi ovog poziva mogu se postaviti svakim radnim danom **isključivo** u terminu od 11,30 do 13,00 sati na broj telefona 036 552 922.

XI

(Završne odredbe)

S podnosiocima prijave koji ispune uslove i kriterije za dodjelu sredstava iz ovog poziva, Ministarstvo trgovine, turizma i zaštite okoliša zaključit će ugovor o međusobnim pravima i obavezama.

Korisnici sredstava - jedinice lokalne samouprave kojima budu odobrena sredstva, obavezne su Ministarstvu trgovine, turizma i zaštite okoliša dostaviti izvještaj o namjenskom utrošku dodijeljenih sredstava s originalnom dokumentacijom na osnovu koje se dokazuje namjenski utrošak sredstava.



Ministar
Emil Balavac, s.r.